

बुद्ध-धर्म सम्बन्धी सामान्य ज्ञान प्रश्नावली

मुंम्ह
भिक्षु बुद्धघोष

प्रकाशकः

श्री हेराकाजी सुचिकाः

नागबहाः, कुटिबहाः,
ललितपुर ।

बुद्ध-धर्म सम्बन्धी सामान्य ज्ञान प्रश्नावली

मुंम्ह
भिक्षु बुद्धघोष

द्वितीय संस्करण--१०००

(सर्वाधिकारया सुरक्षित प्रकाशक याके)

प्रकाशकः

हेराकाजी सुचिकाः

नागबहाः, कुटिबहाः,

ललितपुर ।

— × —

मूल्य :- १ ७५

निगू शब्द

न्हेंदें लिपा “बुद्ध धर्म-सम्बन्धी सामान्य ज्ञान” द्वितीय संस्करण जूगु सकसिया निम्ति खुशीया खँ खः । दके न्हापां थ्व सफू २०२२ साले श्री मती तेजमाया बौद्धनी लगंखेल पाखें प्रकाश याना बिज्यागु खः । आः थ्व सफू हेराकाजी सूचिका नागबाहा पाखें प्रकाश जुया च्वन ।

थ्व सफू ‘नेपाल बौद्ध परियत्ति शिक्षा’या परीक्षार्थी-पिन्त ब्वने माःगु जुया च्वन । मेपिन्तनं थ्व सफू उपकार जुइ धइगु मती तया । थुकी न्हापायासिनं प्रश्न उत्तर भचा बढे याना बिज्यागु दु ।

सफू पिकायेगुली कुतः याःगु बारे हेराकाजी सूचिका-यात धन्यवाद बिचा । न्हापायागु सफूलिसे मिले याना प्रूफ स्वयेगुली समय ब्यूम्ह आयुष्मान त्राणपुणिकयात नं धन्यवाद दु । अस्तु ।

श्री सुमङ्गल विहार
ललितपुर

भिक्षु बुद्धघोष

३ मंसीरः २०२९

नेपालया बुद्ध-धर्म सम्बन्धी सामान्य

ज्ञान

अध्याय १

प्रश्न-१ ललितपुरयागु प्यंगः थूरया नां छु छु ?

उत्तर- त्यता थूर, पूच्च थूर, ईबही थूर, लगं थूर ।

प्रश्न-२ नेपालं सँदेशे न्हाप्पां सुनां बुद्ध-धर्म यंकुगु ?

उत्तर- अंशुबर्माया म्हाय् भृकुटीं ।

प्रश्न-३ नेपाले अग्रश्रावकपिनिगु धातु गबले हःगु ?

उत्तर- २००८ साल कार्तिक ।

प्रश्न-४ नेपाले विश्व बौद्ध सम्मेलन गुबले गन जूगु ?

उत्तर- २०१३ साले, टुंडिखेले चाकला सिमा क्वे ।

प्रश्न-५ यले च्वंगु महाबौद्ध देगः न्हाप्पां सुनां दयेकुगु ?

उत्तर- बि. सं. १६२१ साले श्री बौद्धाचार्य पं. अभयरा-
जजुं दयेका १६५७ साले आषाढ शुक्ल खुनु
प्रतिस्था याना बिज्यात ।

प्रश्न-६ आनन्दकुटी च्वंगु तगगोगु चैत्यया नां छु ?

उत्तर- श्री लङ्काराम चैत्य ।

प्रश्न-७ नेपाले दकसिवे न्हाप्पां बैशाख पुन्ही उत्सव गन
माने याःगु ?

उत्तर- किण्डोल विहारे ।

प्रश्न-८ बुद्ध-धर्मया नेपाल भाषा पत्रिका न्हाप्पां सुना
पिकागु ?

उत्तर- धर्मादित्य धर्माचार्यं बि. सं. १९८३ साले कल-
कत्तां पिकागु ।

प्रश्न-९ नेपाले भिक्षुपि मध्ये थकालिम्ह सु ?

उत्तर- प्रज्ञानन्द महास्थविर ।

प्रश्न-१० नेपालाम्ह दकसिबे न्हाप्पां महाचीन बिज्याम्ह
भिक्षु सु ?

उत्तर- भिक्षु धम्मालोक ।

प्रश्न-११ अखिल नेपाल भिक्षु महासंघ गबले स्थापना जुल ?

उत्तर- २००७ साले ।

प्रश्न-१२ नेपाले काठमाण्डुइ लुम्बिनी मूर्ति गन दु ?

उत्तर- किण्डोल विहारया क्वसं ।

प्रश्न-१३ नेपाले महापरिनिर्वाण मूर्ति गन दु ?

उत्तर- किण्डोल उपासिकारामे ।

प्रश्न-१४ भिक्षुपिन्त नेपालं गबले पितना छोगु ?

उत्तर- २००१ साले ।

प्रश्न-१५ त्रिशुली च्वंगु विहारया नां छु ?

उत्तर- सुगतपुर विहार ।

प्रश्न-१६ रिडी च्वंगु विहारया नां छु ?

उत्तर- सुगन्ध विहार ।

प्रश्न-१७ नेपाल बौद्ध परियत्ति शिक्षाया उद्घाटन गबले जुल ?

उत्तर- २०१९ साल अक्षय तृतीया खुनु ।

प्रश्न-१८ नेपालं दक्षिणे तःधंगु प्रथम बौद्ध तीर्थ यात्रा-
गबले जुल ?

उत्तर- ९ मार्ग २०२१ मङ्गलबार (२४ नोवेम्बर १९६४) ।

प्रश्न-१९ आनन्दकुटी च्वंम्ह भगवान सुतां बिया हःम्ह ?

उत्तर- कुशीनगरे बिज्याना च्वंम्ह चन्द्रमणि महास्थविरं ।

प्रश्न-२० नेपाले दक्षिणे तःधिमह फेतुना च्वंम्ह भगवान
गन दु ?

उत्तर- ये महाबौद्धे ।

प्रश्न-२१ ललित विस्तर सफू छापे याना न्हाप्पां पिकाम्ह
सु ?

उत्तर- पं. निष्ठानन्द ब्रज्जाचार्य ।

प्रश्न-२२ धम्मपद नेपाल भाषां न्हाप्पां अनुवाद याःम्ह सु ?

उत्तर- डा० इन्द्रमान बैद्य ।

प्रश्न-२३ स्वयम्भू चैत्य सुतां जिर्णोद्धार यागु ?

उत्तर- बि. सं. १६५० साले कान्तिपुरया जुजु शिवसिंह
मल्लया महाराजौ गंगावतीं जिर्णोद्धार याःगु ।

प्रश्न-२४ बर्मायागु धम्माचरिय उपाधि-प्राप्त याःम्ह नेपाः-
याह्म भिक्षुया नां छु ?

उत्तर- भिक्षु त्राणपुण्डिक ।

(४)

प्रश्न-२५ यले नौ बरेछूगु बहाया नां छु ?

उत्तर- भिच्छे बहा ।

प्रश्न-२६ बर्मायागु धम्माचरिय उगाधि प्राप्त याःम्ह नेपाः-
याम्ह अनागारिकाया नां छु ?

उत्तर- अनागारिका धम्मवती ।

प्रश्न-२७ आनन्दकुटी चैत्य च्वंगु भगवानयागु अस्ति धातु
सुनां हःगु ?

उत्तर- लंकां नारद महास्थविरं हया विज्यागु ।

प्रश्न-२८ नेपाल बौद्ध परियत्ति शिक्षाया अध्ययन प्रारम्भ
गबले जुल ?

उत्तर- २०१९ साल वैशाख पुन्ही खुनु ।

प्रश्न-२९ गण महाविहारे च्वंम्ह भगवान गनं हःगु ?

उत्तर- बर्मा हःगु ।

प्रश्न-३० नेपाले बहा बही पत्तिकं पाक्षिक बुद्ध-पूजा स्वैगु
तत्वावधाने चले जूगु ?

उत्तर- स्वयम्भू ज्ञानमाला भजन खलःया तत्वावधाने चले
जूगु ।

प्रश्न-३१ नेपाःयापि न्हाप्पां अनागारिका जूपि सुसु ?

उत्तर- रत्नपाली, धर्मपाली, संघपाली ।

प्रश्न-३२ नेपाले सिंहशय्या मूर्ति गन दु ?

उत्तर- श्रीघः विहारे ।

प्रश्न-३३ बलम्बुइ च्वंगु विहारया नां छु ?

(५)

उत्तर- प्रणीधि पूर्ण महाविहार ।

प्रश्न-३४ चिभाः बुसार्धं धयागु छु ?

उत्तर- चिभाः पनिष्ठा याःगु दिने पूजा याइगु चिभाः
बुसार्धं धका धाई ।

प्रश्न-३५ भोजपुरे च्वंगु विहारया नां छु ?

उत्तर- शाक्यमुनि विहार ।

प्रश्न-३६ गण महाविहार गथे याना लुया वःगु ?

उत्तर- बहा-बही पत्ति बुद्ध-पूजा न्यायेकूगुलि लुया वःगु ।

प्रश्न-३७ नालन्दाय् पालि-भाषाया आचर्य उपधि काःपि सुसु?

उत्तर- भिक्षु अमृतानन्द, व तानसेनया अयोध्या प्रसाद ।

प्रश्न-३८ खपे च्वंगु विहारया नां छु ?

उत्तर- मुनि विहार ।

प्रश्न-३९ थम्हं हे प्रेस दयेका पालि भाषाया ललित विस्तर
सफू छापे याःम्ह सु ?

उत्तर- महाप्रज्ञा ।

प्रश्न-४० तानसेने च्वंगु विहारया नां छु ?

उत्तर- आनन्द विहार ।

प्रश्न-४१ बुटौली च्वंगु विहारया नां छु ?

उत्तर- पद्मचैत्य विहार ।

प्रश्न-४२ यले च्वंगु प्यंग स्तूप (थूर) मुनां दयेकल ?

उत्तर- अशोक महाराजया पुत्री चारुमती वया दयेकुगु खः ।

प्रश्न-४३ थ्व बुद्ध-धर्मया “सामान्य ज्ञान” सफू न्हापां

पिकाय्गु गोसा गोम्ह सु ?

उत्तर- भाजु करुणाकर बैद्य, लगनखेलयाम्ह ।

प्रश्न-४४ भी मुलुखाय् फुसे च्वयातःपि पंचबुद्धपिनिगु नां छु
छु खः ?

उत्तर- बैलोचन, अक्षोभ्य, रत्नसंभव, अमिताभ, अमोघ-
सिद्धि ।

प्रश्न-४५ नेपाले भिक्षुपिनि न्हाप्पां संघ उपोसथ जूगु गन ?

उत्तर- यले शंखमोले ।

प्रश्न-४६ नेपाले थेरवाद बुद्ध-धर्म हःम्ह सु ?

उत्तर- प्रज्ञानन्द महास्थविर ।

भिक्षु प्रज्ञानन्द महास्थविरया पाखें पिहाँ वःगु सफू

छु छु खः नां धा ?

परित्राण	साहित्याङ्ग	प्रकाशक	साल
बुद्धोपदेश	बाखं	म्या चन्दा	२४८४
धातु भेदानुपस्सना	दर्शन		
विशुद्धि ज्ञान दर्शन	बाखं		
महा जयमङ्गल पाठ	बाखं	दुःखीजन सकल	२४८९
धातु विवर्णक प्रेत कथा	बाखं	भाजुरत्न कंसाकार	२४९५
त्रिलक्षण दीपनी	भावना	,, ,,	२४९५
अनागत वंश	बाखं	योगवीरसि बज्राचार्य	२४९६

(७)

प्रज्ञा दर्पण	दर्शन लानिमाया	२४९७
स्वंग मिखां कना स्व बाखं	बुद्धोपासकोपासिकापि	२४९८
अनन्तोपकार बुद्ध	बाखं कान्छा शाक्य सानुमान	
	शाक्य	२५०६

भिक्षु धम्मालोक महास्थविरया पाखें पिहाँ वःगु सफू
छु छु दु ? नां धा

लोके कुचाल कुव्यवहार सुधार
अनुत्तर विजय (गुरुमण्डल)
ईश्वर म्हसीकि
बुद्ध गुण
प्रज्ञा दर्शन १
प्रज्ञा दर्शन २
सत्तिपट्टान
ज्ञानमाला
परित्त सुत्त
महाचीन यात्रा
पञ्चशील
कर्म सुधार
चर्या चार बुद्ध (न्ह्यसःलिसः)
बुद्धया पुत्र प्रति उपदेश
पञ्चशील त्रिगुण पूजा

(८)

उत्तमं विचारणीय

A food for thought

परिवर्तन शील सिद्धान्त

किसका धर्म सत्य है ?

भिक्षु शाक्यानन्द महास्थविरया पाखें पिहाँ वःगु सफू

देवदूत सूत्र

बुद्धोपदेशित विदर्शन ज्ञान

लंकावतार सूत्र

भिक्षु अनुरुद्ध महास्थविरया पाखें पिहाँ वःगु सफू

धर्मचक्र सूत्र

लोक नीति

बुद्ध भक्ति शतकम्

अम्बट्ट सूत्र

भिक्षु अमृतानन्द महास्थविरया पाखें पिहाँ वःगु सफू

धम्मपदट्टकथा

धम्मपद

कर्म विभाग

आर्य सत्य

पाठ्य सूत्र

बुद्ध—जीवनी

गृही विनय
त्रिरत्न वन्दना
जातक माला (भाग १)
” (भाग २)

अग्रश्रावक
महास्वप्न जातक
बुद्ध शासनया इतिहास
सूत्र संग्रह
बौद्ध कहानी

वेस्सन्तर जातक
प्रजापति गौतमी
धम्मपद (नेपाली)
अग्रश्रावक (” ”)
गृही विनय (” ”)
बुद्ध जीवनी (” ”)

Buddhist act in Socialist Country

धर्म व विनय
सर्वज्ञ धातु

भिक्षु सुबोधानन्दया पाखें पिहाँ वःगु सफू

नामाष्ट शतकम्
तेलकटाह गाथा
पटाचारा
बुद्धोपदेश मध्यम मार्ग
गिरिमानन्द सूत्र
मेण्डक महाजन

(१०)

भिक्षु बुद्धघोषया पाखें पिहाँ वःगु सफू

त्रिरत्न गुण

निपु सूत्र

पञ्चशील प्रार्थना (फलाफल)

भिक्षु प्रज्ञारश्मिया पाखें पिहाँ वःगु सफू

विशाखां चरित्र

बुद्ध-धर्मया मू लँपु

भिक्षु महानामया पाखें पिहाँ वःगु सफू

नुगः

भिक्षु संवरया पाखें पिहाँ वःगु सफू

पालि-बाल शिक्षा

भिक्षु विवेकानन्दया पाखें पिहाँ वःगु सफू

लोकनीति

श्रामणेर विनय

लोकनीति (पद्यमय)

गृह शिक्षा

उत्तरा

अनत्त लक्खण सुत्त

कुमार कस्सप माता

श्यामावती

भिक्षु अश्वघोष व, कुमार कस्सपया पाखें पिहाँ वःगु सफू

त्रिरत्न वन्दना व पूजा विधि

गौतम बुद्ध

बुद्धया अर्थनोति

श्रामणेर सुदर्शनया पाखें पिहाँ वःगु सफू

भारते बुद्ध-धर्मया उत्थान व पतन

अमृतमय मौन

बौद्ध धर्म है मानव धर्म

महामङ्गल (भाग १)

महासत्त्व जातक

आयुष्मान आनन्द

आर्य अष्टाङ्गिक मार्ग

महामङ्गल (भाग २)

सप्त सत्पुरुष धन

शील प्रार्थना

अम्बपाली

राष्ट्रपाल

जुजु जयप्रकाश

बिम्बिसार

श्रामणेर मेघङ्करया पाखें पिहाँ वःगु सफू

आर्य सिद्धान्त

श्रामणेर धर्मवंशया पाखें पिहाँ वःगु सफू

बुद्धया अमृतोपदेश

सामान्य ज्ञान (पालि साहित्य सम्बन्धी)

अध्याय २

प्रश्न-४७ भगवान बुद्ध जन्म जुया बिज्यागु गन ?

उत्तर- नेपालया पश्चिम पाखे लुम्बिनी उद्याने ।

प्रश्न-४८ बोधिसत्त्व जन्म जुइधं नंवाना बिज्यागु छुछु जन्मे ?

उत्तर- महोसध पण्डित, विश्वन्तर, सिद्धार्थ कुमार ।

प्रश्न-४९ सिद्धार्थ कुमार नाप उत्पत्ति जूपि सुसु ?

उत्तर- आनन्द, बोधिवृक्ष, कालुदायी अमात्य, यशोधरा,

बालक सारथी, लुंया घःप्यंग; कन्थक सल ।

प्रश्न-५० शुद्धोदन महाराजं प्रथमवार पुत्र वन्दना याःगु
गुबले ?

उत्तर- काल देवल तपस्वी वन्दना याःगु बखते ।

प्रश्न-५१ वसपोलयात छाये सिद्धार्थ घका नां छूगु ?

उत्तर- सर्व अर्थ सिद्ध याइम्ह जुया निमित्त सिद्धार्थ घका
नां छूगु ।

प्रश्न-५२ बोधिसत्त्व जन्म जुइत पूर्व निमित्त स्वप्न छुछु खना
बिज्यात ?

उत्तर- हिमालय फुस तथा पूर्व व पश्चिम सागरे लहा निपा
तया, दक्षिण सागरे तुति निपा इवलंका पृथ्वी द्यःने
द्यना चवना ।

थःगु तेपुचां कूश बुया वया आकाशे खने मदयेक
थहाँ वन ।

थःगु तुति पालिं तुयूपि हाकुपि इमू आदि कीत
उत्पन्न जुया पुलि थ्यंक तोपुया चवन ।

नाना रंगयापि भङ्गत प्यम्ह थःगु तुति पालि न्होने
व्वया वया सकलें छगू रङ्ग जुल ।

अशुचिया पर्वत द्योने चवना नं भ्या भतिचा नं
थःगु तुती मकी । थथे भ्यागु प्रकारं स्वप्न खन ।

प्रश्न-५३ सिद्धार्थकुमार जन्म जबले शुद्धोदन महाराजया
उमेर गुलि दत ?

उत्तर- ५७ दँ दया चवन ।

प्रश्न-५४ शुद्धोदन महाराज जबले श्रोतापत्ति जूगु ?

उत्तर- भगवान बुद्ध कपिलवस्तुइ भिक्षातन् बिज्यान्
चवंगु बखते निम्न उपदेश बिया बिज्यागु बखते
श्रोतापन्न जूगु:-

अप्रमादी जुया बांलाक धर्माचरण याना च्वंम्हसित
थुगु लोके नं परलोक नं सुख जुइ ।

प्रश्न-५५ बुद्धत्व प्राप्त जुइवं भगवानं छु उदान व्वना
बिज्यात ?

उत्तर— अनेक जाति संसारं सन्धाविस्सं अनिब्बिसं, गह-
कारकं गवेसन्तो दुक्खा जाति पुनप्पुनं । गहकारक
दिट्ठोसि पुन गेहं न काहसि । सब्बा ते फासुका
भग्गा गहकूटं विसङ्खतं विसङ्खारगतं चित्तं
तण्हानं खयमज्झगा ।

अर्थ

हानं हानं जन्म कायेगु दुःख जूया निर्मिती जि थ्व
शरीर रूपी छें दयेकूम्हसित मा जुजुं थ्व संसारे
बारम्बार जन्म काये धुन । हे गहकारक ! आःजि
छन्त खंके धुन । हानं छं छें दयेके फइ मखुत, छंगु
छें दयेकेगु ज्याभः फुकं तोथुला बी धुन, छेंयागु
शिखर फुकं विनाश जुइ धुंकल, चित्तसंस्कार
रहित जुल, तृष्णा क्षय जुइ धुंकल ।

प्रश्न-५६ प्रजापति गौतमी श्रोतापन्न जूगु गबले ?

उत्तर— भगवान् राजद्वारे बिज्याना शुद्धोदन महाराज-
यात धर्मोपदेश याना बिज्यागु बखते प्रजापति
गौतमी श्रोतापन्न जुल ।

प्रश्न-५७ भगवान् बुद्ध, बुद्धजुया बिज्यान्ता गोदें दुबले शुद्धो-
दन महाराज परिनिर्वाण जुया बिज्यात ?

उत्तर— बुद्ध जुया ५ दें दुबले शुद्धोदन महाराज परिनि-
र्वाण जुया बिज्यात ।

प्रश्न-५८ कृशा गौतमी सीम्ह काय् ज्वना भगवानयाथाय्
वंबले भगवानं छु धया बिज्यात ?

उत्तर- केहें मेजु ! सुं हे मसीनिगु छें तू छम्ह फोना हकि
अले जि छिमि कायेयात म्वाका बीइ धया बिज्यात ।

प्रश्न-५९ भगवान बुद्ध, बुद्ध जुया न्हाप्पां राजगृह नगरे
गबले दुहाँ बिज्यागु ?

उत्तर- बुद्ध जुया न्हेला दयेका पोहेला (पौष) पुन्ही खुनु ।

प्रश्न-६० पञ्च कल्याण धयागु छु छु ?

उत्तर- म्हेखाया पपूथें ताहाक जुया सँ पयनिगु बखते
ग्वाली हाना हानं कुलि कुलिचिना थाहाँ वनीगु
सँयात “केस कल्याण” धका धाइ ।

पाके जूगु बिम्ब फलथें वर्णं युक्तगु म्हुतुसि जुया
चवंगुयात “मंस कल्याण” धाइ ।

तुइसे चवना भो मिले जुया चवंगु हानं हीरा थुना
तःगुथें, धयना तःगु शंखथें शोभा दया चवंगु
वायात “अट्टी कल्याण” धाइ ।

ती आदि छूं दाग मदुम्ह जुया पलेस्वाथें शोभाय-
मानगु शरीरयात “छवि कल्याण” धाइ ।

भिम्ह मस्त दुसां छम्ह जक दुम्हथें बयस दुम्हयात
“वय कल्याण” धाइ ।

प्रश्न-६१ ब्वाँय्वने बांमलापिं सुसु ?

उत्तर- अभिषेक प्राप्त जूम्ह जुजु, मङ्गल किसि, भिक्षु,

मिसा ।

प्रश्न-६२ भिक्षुपि मध्ये न्हापां भिक्षु जूम्ह सु ?

उत्तर- कोण्डञ्ज महास्थविर ।

प्रश्न-६३ भिक्षुणीपि मध्ये न्हापां भिक्षुणी जूम्ह सु ?

उत्तर- प्रजापति गौतमी थेरी ।

प्रश्न-६४ प्रजापति गौतमी महास्थविरनी परिनिर्वाण जुइत
बुद्धयाके बचन कावंबले भगवानं छु धया बिज्यात?

उत्तर- “भो गौतमी ! छंगु विषय बांलाक मस्युपि स्त्रीपि
आपालं दु । उकिं इमिगु सन्देह दूर यायेत छं थःके
च्वंगु ऋद्धि प्रातिहार्य छको केना हूँ ।”

प्रश्न-६५ प्रथम संगायन जूगु गन ?

उत्तर- राजगृह नगरे सप्तपण्णी गुफाय् ।

प्रश्न-६६ निग्रोधाराम धयागु विहार गन ?

उत्तर- कपिलवस्तु नगरे ।

प्रश्न-६७ भगवानं पञ्चभद्रवर्गीपिन्त उपदेश याना बिज्यागु
गन ?

उत्तर- ऋषिपत्तन मृगदावने ।

प्रश्न-६८ भगवानं प्रशंसा याना बिज्यागु गणतन्त्र देशया नां छु

उत्तर- वैशाली नगर ।

प्रश्न-६९ बौद्ध चारधाम धका गन गन यात धाइ ?

उत्तर- लुम्बिनी, बुद्धगया, ऋषिपत्तन-मृगदावन, कुशीनगर ।

प्रश्न-७० भगवान बुद्धया मूलपिं शिष्यपिनिगु नां छु ?

(१७)

उत्तर- सारिपुत्र व मौद्गल्यायन ।

प्रश्न-७१ भगवान् बुद्धया अन्तिम शिष्य सु ?

उत्तर- सुभद्र परिव्राजक ।

प्रश्न-७२ त्रिपिटक ग्रन्थ घयागु छु छु ?

उत्तर- सूत्र पिटक, विनय पिटक व अभिधर्म पिटक ।

प्रश्न-७३ भगवान् बुद्ध महापरिनिर्वाण जुया बिज्यागु गन ?

उत्तर- कुशीनगरे मल्लपिनिगु निमा सालमाया दथ्वी ।

प्रश्न-७४ भारतं लङ्का देशे न्हाप्पां बुद्ध-धर्म प्रचार यावंम्ह सु ?

उत्तर- महेन्द्र महास्थविर ।

प्रश्न-७५ अशोक महाराजं गुंगू राष्ट्रे धर्म प्रचार याके छ्वर्पि
भिक्षुपिनिगु नां छु ?

उत्तर- १) मज्झन्तिक स्थविर-काश्मीर व गन्धारे ।

२) महादेव स्थविर—महिंसक मण्डले ।

३) रक्खित स्थविर — बनवासी ।

४) योनक धम्मरक्खित स्थविर— अपरान्ते ।

५) महाधम्मरक्खित स्थविर—महाराष्ट्रे ।

६) महारक्खित स्थविर—योनक लोके ।

७) मज्झिम स्थविर — हिमालय प्रदेशे ।

८) सोण स्थविर व उत्तर स्थविर—सुवर्ण भूमी ।

९) महिन्द स्थविर नाप इट्टिय उत्तिय सम्बल

भद्दसाल— लंका द्वीपे ।

प्रश्न-७६ शुद्धोदन महाराजया दरवार गन ?

उत्तर- कपिलवस्तु नगरे ।

प्रश्न-७७ द्वेवाचिक शरण जक वंषि सु सु ?

उत्तर- तपस्सु व भल्लिक ।

प्रश्न-७८ न्हापालाक त्रिशरण वंम्ह सु ?

उत्तर- यशकुमारया अबु ।

प्रश्न-७९ भगवानं गोदँ तक धर्म प्रचार याना बिज्यात ?

उत्तर- ४५ दँ ।

प्रश्न-८० बोधिसत्वं पारमिता पुरेयाना बिज्यागु अन्तिम
जन्म छु ?

उत्तर- विश्वन्तर ।

प्रश्न-८१ पाठ यायेगु बखते देवतापिनि यइगु सूत्रया नां छु ?

उत्तर- महासमय सूत्र ।

प्रश्न-८२ वेलुवन विहार दान याःम्ह सु ?

उत्तर- राजगृहया जुजु बिम्बिसार ।

प्रश्न-८३ ऋषिपतन मृगदावने भगवानं धर्मचक्र प्रवर्तन
याना बिज्यागु बखते गुलि देवब्रह्मापि मार्ग फल
प्राप्त जुल ?

उत्तर- १८ गू कोटि ब्रह्मापि व देवतापि अनगिन्ति अरहन्त
फल प्राप्त जुल ।

प्रश्न-८४ सारिपुत्र मौद्गल्यायन गनयापिं ?

उत्तर- राजगृहयापिं । नालन्दाया समीपे नालकग्रामे

(सारिपुत्र) कोलितग्रामे (मौद्गल्यायन) ।

प्रश्न-८५ उरूवेलाय् भगवानं गुलि जटिलपिन्त बोध याना बिज्यात ?

उत्तर- उरूवेल काश्यप सहित दोछि ।

प्रश्न-८६ मदु धयागु मस्यूम्ह सु ?

उत्तर- अनुरुद्ध ।

प्रश्न-८७ प्रज्ञाय् व ऋद्धी एतदग्ग प्राप्त याना बिज्यापि भिक्षुपि सु सु ?

उत्तर— प्रज्ञाय् सारिपुत्र, ऋद्धी मौद्गल्यायन ।

प्रश्न-८८ प्यंगू द्वीपया नां छु छु ?

उत्तर— पूर्वविदेह, जम्बूद्वीप, अपरगोयान व उत्तरकुरू ।

प्रश्न-८९ प्यंगू प्रकारया चैत्य छु छु ?

उत्तर— धातु चैत्य, धम्म चैत्य, परिभोग चैत्य, उद्दिस्स चैत्य ।

प्रश्न-९० बुद्ध जुइत भविष्यवाणी प्राप्त यायेत गुलि अङ्ग पूर्ण यायेमाः ?

उत्तर— च्यागू १. मनुष्यजाति जुइमाःगु, २. पुरुष जुइमाःगु, ३. अरहत्त मार्ग, अरहत्त फल प्राप्त याये फुगु हेतु दये माःगुः, ४. भगवान दर्शन जुइमाःगु, ५. प्रव्रजित जुइमाःगु, ६. पञ्च अभिज्ञा व अष्ट समापत्ति प्राप्तम्ह जुइमाःगु ७ जीवन हे त्याग याये माःसां त्याग याये फुम्ह जुइमाःगु, ८ बुद्ध जुइगु प्रबल इच्छा दुम्ह जुइमाःगु ।

प्रश्न-९१ बुद्ध जुइगु गोगू प्रकारं दु ?

उत्तर— श्रद्धाधिक, विरियाधिक प्रज्ञाधिक स्वंगू प्रकारं दु ।

प्रश्न-९२ सतिपट्ठान गोगू दु ?

उत्तर— कायानुपस्सना, वेदनानुपस्सना, चित्तानुपस्सना, धम्मनानुपस्सना—थुकथं प्यंगू प्रकारं दु ।

प्रश्न-९३ धन नाश जुइगुया कारण गोगू दु ?

उत्तर— १ सुरापान यायेगुलि, २ कुबेलाय् चाहू जुइगुलि, ३ प्याखं सो जुइगुलि, ४ जू म्हितः जुइगुलि, ५ कुमित्र संगत याः जुइगुलि, ६ अलसि जुइगुलि—थुकथं खुगू ।

प्रश्न-९४ पञ्च महापरित्याग धयागु छु छु ?

उत्तर— धन, पुत्र, भार्या, अङ्ग, जीवित ।

प्रश्न-९५ प्रश्न न्यनेगु गोगू प्रकारं दु ?

उत्तर— १. थःमं मसिया न्यनेगु । २. सिद्धान्त मिले जू मजू स्वेत न्यनेगु. ३. शंखा दया न्यनेगु, ४. नंवाकेया निर्ति न्यनेगु, ५. उत्तर बीगु इच्छां न्यनेगु— थुकथं न्यागू दु ।

प्रश्न-९६ प्रतिसन्धि गोगू प्रकारयागु दु ?

उत्तर— अण्डज, संसेदज, जलाबुज, ओपपातिक—प्यंगू प्रकारं दु ।

प्रश्न-९७ गोगू प्रकारयापि देवतापि दु ?

उत्तर— विसुद्धि देवता, सम्मुति देवता, उपपत्ति देवता—थुकथं स्वंगू प्रकारं दु ।

प्रश्न-९८ नायक गुण गोगू दु ?

उत्तर— १ सह यायेगु खमा गुण, २ जागृत जुया च्वनेगु जाग-

रिय गुण, ३. कोशिस वीर्य दयेका च्वनेगु उट्टा
गुण, ४. खः मखु छुटेयाये सःगु संविभाग गुण, ५.
दया तये सःगु दया गुण, ६. हरेक विषयय् विचार
याये सःगु इक्खना गुण ।

प्रश्न-९९ मात्सर्य धयागु छु छु ?

उत्तर— लाभ मच्छरिय-कपिनि धन सम्पत्ति प्राप्त जूगु
खना नुगः स्याइगु ।
वण्णमच्छरिय-कपिनि रूप बांलागु खना नुगः
स्याइगु ।
आवास मच्छरिय-कपिनि बासस्थान बांलागु
खना नुगः स्याइगु ।
कुल मच्छरिय-कपिनि उत्तमगु कुल परिवार
खना नुगः स्याइगु ।
धम्म मच्छरिय-कपिनि सःस्यूगु खना नुगः
स्याइगु ।

प्रश्न-१०० व्रत गोगू दु ?

उत्तर— १ लोक व्यवहार ज्ञान देयेके सयेकेगु २ धर्माच-
रण याये सयेकेगु ३ जुजुया आज्ञा पालन याये
सयेकेगु-थुकथं स्वंगू दु ।

प्रश्न-१०१ चातुर्महाराजिक देवतापि प्यम्ह सु सु ?

उत्तर— १. धतरट्ट. २. विरुल्लहक. ३. विरूपक्ख. ४. कुबेर ।

प्रश्न-१०२ खँ ल्हायेगु अङ्ग प्यंगू छु छु ?

उत्तर— सुभासितवाचा—बांलाक खँ ल्हायेगु ।

प्रियवाचा—प्रियवचन खँ ल्हायेगु ।

धम्मवाचा—धर्म नाप सम्बन्ध दुगु खँ ल्हायेगु ।

सच्चवाचा—सत्यगु खँ ल्हायेगु ।

प्रश्न-१०३ सत्पुरुषपिनिगु बल गोगू दु ?

उत्तर— १ श्रद्धाबल—त्रिरत्न गुणे चित्त कम्प मज्जूसे प्रसन्न जुइगु । २ विरियबल— अकुशलयात मदेका छवया कुशलयात बढे यायेया निति कोशिस यायेगु ।

३. सतिबल—रूपकाय, नामकाययात अनित्य आदि त्रिलक्षणे तथा मनं विचार यायेगु । ४ समाधिबल—दानशील आदि कुशल कार्ये कम्प मज्जूसे स्थिर जुया जीवन हना वनेगु । ५ पञ्चाबल—संवेग धर्म द्वारा उत्पत्ति व विनाशयात बारम्बार विचाः यायेगु ।

प्रश्न-१०४ सह यानागुया फल गोगू दु ?

उत्तर— न्यागु दु—१ आपालं मनुष्यपिसं प्रेम याइ, २ कलह शान्त जुइ, ३ दोष कम्ति जुइ, ४ बेहोश मज्जूसे मृत्यु जुइ, ५ मरणं लिपा सुगति जन्म काः वनी ।

प्रश्न-१०५ अपरिहानीय धर्म गोगू दु ?

उत्तर— न्हेगू दु—सत्थुगारव-भगवानयात आदर तयेगु ।

धम्मगारव—धर्मयात आदर गौरव तयेगु ।

संघगारव-संघर्षित आदर गौरव तयेगु ।

सिक्खागारव-शिक्षापदयात आदर गौरव तयेगु ।

समाधिगारव-समाधियात आदर गौरव तयेगु ।

कल्याणमित्त—कल्याण मित्रपि नाप संगत
यायेगु ।

सोवच्चस्सता-सत्पुरुषपिसं धाःगु खँयात न्यने
अःपुम्ह जुइगु ।

प्रश्न-१०६ अष्टलोक धर्म घयागु छु छु ?

उत्तर— लाभो—धन सम्पत्ति यक्व दया घमण्ड अभिमान
जुइगु ।

अलाभो—धन सम्पत्ति मदया दुःखी जुइगु ।

यसो—यश परिवार आपाः दया अभिमान बढे
जुइगु ।

अयसो—यस परिवार मदया दुःखी मन जुइगु ।

निन्दा — निन्दा याका च्वने माःगुलि दुःखी
मन जुइगु ।

पसंसा— प्रशंसा याःगुलि अभिमान थाहाँ वइगु ।

सुखं—सुख जुया अभिमान थाहाँ वइगु ।

दुक्खं—दुःख जुया दुःखी मन जुइगु ।

प्रश्न-१०७ वलेश गोगू दु ।

उत्तर— भिगू दु ।

लोभ—लोभ

दोस—द्वेष

मोह—मोह

मान—अभिमान

दिट्ठि—उल्टागु दृष्टि

विचिकिच्छा—शंका

थिन—चित्तया दुर्बलता

उद्धच्च—चित्तया अस्थिरता

अहिरिक—अकुशल कर्मे लाज मचाइगु

अनोत्पप—अकुशल कर्मे त्रास मचाइगु ।

प्रश्न-१०८ भगवान बुद्धया असाधारण ज्ञान खुगू छु छु ?

उत्तर— १ समापत्तित्राण—खना बिज्याक्व वेनेय्य प्राणी—
पिन्त थःपुत्र समान भाःपा करुणा तथा बिज्या—
इगु, २ सब्वञ्जुतत्राण—सम्पूर्ण धर्मयात निशेष
रूपं सीका बिज्याइगु ज्ञान ।
३ इन्द्रियपरोपरियत्तित्राण—सत्त्व प्राणीपिनिगु
इन्द्रिय परिपक्व जू मजू विचार याये फुगु ज्ञान ।
४ यमकपातिहारियत्राण—थःगु शरीरं लः मि
जोडा जोडा पिकया कयना बिज्याये फुगु ज्ञान,
५ आसयानुसयत्राण—सत्त्व प्राणीपिनिगु अज्झा—
सययात सीका बिज्याये फुगु ज्ञान, ६ अनावरण—
त्राण—हरेक विषयय् छु बाधा मदयेक खंका
बिज्याये फुगु ज्ञान ।

प्रश्न-१०९ भगवानं ४५ दैया दुने गन गन वर्षावास याना
बिज्यात ?

उत्तर—	वर्षावास	स्थानं
	प्रथम	ऋषिपतंन मृगदावनै
	निगू स्वंगू व प्यंगूगु	राजगृहे
	न्यागूगु	वैशाली
	खुगूगु	मङ्कुल पर्वते
	न्हेगूगु	तावतिस देवलोके
	च्यागूगु	सुंसुमारगिरी
	गुंगूगु	कौशाम्बी
	भिगूगु	पारिलेय्यक वने
	भिच्छगूगु	एकनाला ब्राम्हण ग्रामे
	भिनिगूगु	वेरञ्जा ग्रामे
	भिस्वंगूगु	चालिय पर्वते
	भिप्यंगूगु	श्रावस्ति नगरे
	भिन्यागूगु	कपिलवस्तु नगरे
	भिखुगूगु	आलवी देशे
	भिन्हेगूगु	राजगृह नगरे
	भिच्यागूगु व भिगुंगूगु	चालीय पर्वते
	नीगूगु	राजगृहे
	न्यीच्छगू निसें पीप्यंगूगु तक	श्रावस्ति नगरे
	पीन्यागूगु	बेलुव ग्रामे

प्रश्न-११० भिक्षुणीपिनिगु मनयात आनन्द जुइक उपदेश
याना बिज्याइम्ह भिक्षुया नां छु ?

उत्तर— नन्दक भिक्षु ।

प्रश्न-१११ अष्टपरिष्कार धयागु छु छु ?

उत्तर— १ संघाटि २ चीवर ३ अन्तरवासक ४ पात्र ५ खोचा ६ काय बन्धन ७ लःचालनि ८ मुलु ।

प्रश्न-११२ दस पारमी धयागु छु छु ?

उत्तर— १ दान पारमी २ सील पारमी ३ नैष्कर्म्य पारमी ४ प्रज्ञा पारमी ५ वीर्य पारमी ६ क्षान्ति पारमी ७ सत्य पारमी ८ अधिष्ठान पारमी ९ मैत्री पारमी १० उपेक्षा पारमी ।

प्रश्न-११३ बं पुनागुया फल छु छु ?

उत्तर— थः खुशी जुइ, पर खुशी जुइ, देवतापिनि यइ, रूप बांलाइ, सिना देवल्लोके वनी ।

प्रश्न-११४ मङ्गल गोगु दु ?

उत्तर— ३८ गू दु ।

प्रश्न-११५ नर्क धयागूया नां छु ?

उत्तर— १ सञ्जीव नर्क २ कालसुता नर्क ३ संघात नर्क ४ रोरुव नर्क ५ महारोरुव नर्क ६ तापन नर्क ७ महातापन नर्क ८ अवीचि नर्क ।

प्रश्न-११६ भगवानं नालागिरि किसियात दमन याना बिज्यागु बखते गुलि देवतापिन्त धर्मज्ञान प्राप्त जुल ?

उत्तर— ९० गू करोड देवतापिन्त धर्मज्ञान प्राप्त जुल ।

प्रश्न-११७ भगवान कपिलवस्तुइ गोक बिज्यागु दु ?

उत्तर— कालुदायि निमन्त्रणा याबले छको, शाब्ध व

कोलिर्यापिनि कलह जूबले छको, महासमय सूत्र
देशना याना बिज्याबले छको, शुद्धोदन महाराज
परिनिर्वाण जुइ त्येका छको जम्मा प्यको
बिज्यागु हु ।

प्रश्न-११८ जेतवन महाविहार सुना दयेकूगु ?

उत्तर- अनाथ पिण्डिक महाजन ।

प्रश्न-११९ विशाखां दयेकूगु विहारया नां छु ?

उत्तर- पूर्वाराम ।

प्रश्न-१२० जुजु भिक्षु जूपिनिगु नां छु ?

उत्तर- महाकप्पिन व भद्दिय ।

प्रश्न-१२१ अविजहितट्ठान प्यंगू छु छु ?

उत्तर- बुद्धगया, ऋषिपतन मृगदावन, जेतवन, संकाश्य ।

प्रश्न-१२२ सिद्धार्थ कुमारयात दयेका व्यंगू स्वंगू महलया
नां छु ?

उत्तर- रम्य, सुरम्य, शुभ ।

प्रश्न-१२३ भगवान बुद्ध आपालं च्वना बिज्यागु गन ?

उत्तर- जेतवन महाविहारे ।

प्रश्न-१२४ लः दान यानागुया भित्ता फल छु छु ?

उत्तर- १ याकनं वने फइ, २ यश कीर्ति फेले जुइ, ३ परि-
शुद्ध जुइ, ४ नये पित्यागु व प्याचागु दइ मखु,
५ परिवार आपा दइ, ६ दीर्घायु जुइ, ७ रूप
लावण्य बालाइ, ८ सुख आनन्द जुइ, ९ बल
शक्ति दइ, १० प्रज्ञा बढे जुइ ।

प्रश्न-१२५ जीवर दान यानागुया फल च्याता छु छु ?

उत्तर- रूप बांलाइ, यच्चुस्य पिच्चुस्य चवनी, तेज दइ, आनुभाव दइ, कोमलगु शरीर जुइ, तुइस्य च्वंगु वस्त्र दइ, लुँयागु वर्णगु वस्त्र दइ, ह्याउंगु वर्णगु वस्त्र दइ ।

प्रश्न-१२६ भगवानं त्रयत्रिंश देवलोके थः मांयात अभिधर्मं देशना याना बिज्याये धुंका देवलोकं क्वहाँ बिज्यागु गन ?

उत्तर- संकाश्य नगरे ।

प्रश्न-१२७ लाकां दान यानागुया फल स्वंगू छु छु ?

उत्तर- १ किसियागु वाहन दइ, २ सलयागु वाहन दइ, ३ हिरा मोति जडे यांनातःगु लाकां प्राप्त जुइ ।

प्रश्न-१२८ मत्त दान यानागुया फल स्वता छु छु ?

उत्तर- तेजं पूर्ण जुइ, बुद्धि दइ, भिम्ह व्यक्ति जुइ ।

प्रश्न-१२९ रुमाल दान यानागुया फल न्याता छु छु ?

उत्तर- १ शरीरयात आनन्द जुइ, २ लक्षणं पूर्ण जुइ, ३ बुद्धि दइ, ४ एकाग्र चित्त जुइ, ५ दीर्घायु जुइ ।

प्रश्न-१३० फुंग दान यानागुया फल खुता छु छु ?

उत्तर- १ उत्तमगु फुंग प्राप्त जुइ, २ मार्ग फल निर्वाण प्राप्त जुइ, ३ दान शीलादि कुशल धर्म बढे याये फइ, ४ बट्ट पटिवट्ट पूर्ण जुइ, ५ उत्तमगु आचरणं पूर्ण जुइ, ६ शीलवान जुइ ।

(२९)

मिश्रित प्रश्नावली

प्रश्न-१३१ बुद्ध जन्म स्थान लुम्बिनी हिंसा याय् मज्जू धका
ने० सं० छु साले सुनां घोषणा याःगु ?

उत्तर- बुद्ध जन्म स्थान लुम्बिनी हिंसा याय् मज्जू धका
ने० सं० १०४५ साल फागुण महिनाय् श्री ३
चन्द्र शम्शोर जुजुं घोषणा याःगु ।

प्रश्न-१३२ यलया प्रसिद्धगु प्यंगः थूर (चैत्य) पूजा गबले
स्वैगु तत्वावधाने जुल ।

उत्तर- बि० सं० २०२४ आषाढ पुन्ही खुनु निसैं स्तूप
पूजा आयोजक समिति श्री सुमङ्गल विहारया
तत्वावधाने जुल ।

प्रश्न-१३३ संगायन गन गन जुल ?

उत्तर— प्रथम संगायन राजगृहे ।
द्वितीय संगायन वैशाली ।
तृतीय संगायन पाटलीपुत्र नगरे ।
चतुर्थ संगायन लंकाय् ।
पञ्चम संगायन बर्माय् ।
षष्ठम संगायन बर्माय् ।

प्रश्न-१३४ नागसेन गुलि ई० पू० याम्ह ?

उत्तर- १५० ई० पू० याम्ह ।

प्रश्न-१३५ नागार्जुन गबले याम्ह ?

उत्तर- १७५ ई० याम्ह ।

प्रश्न-१३६ असंग गबले याम्ह ?

उत्तर ३७५ ई० याम्ह ।

प्रश्न-१३७ वसुबन्धु गबले याम्ह ?

उत्तर- ४०० ई० याम्ह ?

प्रश्न-१३८ दिग्नाग गबले याम्ह ?

उत्तर- ४२५ ई० याम्ह ?

प्रश्न-१३९ धर्मकीर्ति गबले याम्ह ?

उत्तर- ६०० ई० याम्ह ?

प्रश्न-१४० नेपालया नव व्याकरणाया नां छु छु ?

उत्तर- (१) अष्ट साहश्रिका (२) गण्डव्यूह (३)
समाधिराज (४) दशभूमि (५) लंकावतार
(६) सद्धर्म पुण्डरीक (७) तथागत गुह्यक
(८) ललित विस्तर (९) सुवर्ण प्रभा ।

प्रश्न-१४१ भिक्षु धम्मालोक महास्थविरया जन्म व मरण
गबले जुल ?

उत्तर- जन्म इ० सं० १८९० मरण १९६७ इ० या ५
अक्टोवर चोन्ह ११ बजे ।

प्रश्न-१४२ भारते बुद्ध-धर्मया पुनरुद्धार याम्हेसिगु नां छु
व गन याम्ह ?

उत्तर- अनागारिक धर्मपाल, लंका याम्ह ।

प्रश्न-१४३ स्वीछगू भुवन धयागु छु छु ?

उत्तर- कामलोक ११ गू, रूपलोक १६ गू, अरूपलोक ४ गू ।

प्रश्न-१४४ १८७० इ० लंकाय् ईसाइ उपदेशकत नाप
शास्त्रार्थ यांना विजय याम्हसिगु नां छु ?

उत्तर- श्रामणेर मिगेत्तुवत्ते गुणानन्द ।

प्रश्न-१४५ राष्ट्र संघया मन्त्री ऊ थान्त गुबले बुद्ध जन्म भूमि
लुम्बिनी दर्शनार्थ भागु ?

उत्तर- १९६७ इ० अप्रेल महिनाय् ।

प्रश्न-१४६ बैशाख पुन्ही खुन्हु छु छु योग चूला ?

उत्तर- बुद्धया जन्म, बोधिज्ञान व महापरिनिर्वाण ।

प्रश्न-१४७ जेष्ठ पुन्हीया छु महत्त्व दु ?

उत्तर— जेष्ठ पुन्ही—भगवानं कपिलवस्तु नगरे महा
समय सूत्रया देशना यांना बिज्यागु ।

प्रश्न-१४८ आषाढ पुन्ही खुन्हु न्यागू योग चूलागु छु छु ?

उत्तर— १ बोधिसत्त्व महामाया देवीया गर्भे च्वं
बिज्यागु ।

२ महाभिनिष्क्रमण यांना बिज्यागु ।

३ ऋषिपतन मृगदावने पञ्चभद्रवर्गी भिक्षु-
पिन्त भगवानं दकले न्हाप्पां उपदेश कना
बिज्यागु ।

४ कण्डम्ब वृक्षया मूले यमक प्रातिहार्य क्यना
तीर्थङ्करतयेत दमन यांना बिज्यागु ।

५ त्रयत्रिंश भुवने बिज्याना मां माहामाया देवी-
यात अभिघमं देशना यांना बिज्यागु ।

प्रश्न-१४९ आश्विन पुन्हीया छु महत्व दु ?

उत्तर- भगवान त्रयत्रिंश भुवने बिज्याना माँ महामाया देवीयात धर्म उपदेश याना बिज्याय् धुंका संकाश्य नगरे क्वहाँ बिज्यागु ।

प्रश्न-१५० सारिपुत्र महास्थविर परिनिर्वाण जुया बिज्यागु गबले ?

उत्तर- कार्तिक पुन्ही खुन्हु ।

प्रश्न-१५१ भगवान न्हापां राजगृह बिज्यागु गबले ?

उत्तर- पौष पुन्ही खुन्हु ।

प्रश्न-१५२ भगवानं परिनिर्वाण जुइत मारयात वचन बिया बिज्यागु गबले ?

उत्तर— माघ पुन्ही खुन्हु ।

प्रश्न-१५३ भगवान कपिलवस्तु नगरे बिज्यागु गबले ?

उत्तर— फागुण पुन्ही खुन्हु ।

प्रश्न-१५४ भगवान राजगृहे बिज्याबले गुलि मनुत श्रोतापन्न जुल हानं गुलि त्रिशरण वंषि जुल ?

उत्तर— ११ गू लाख श्रोतापन्न जुल १ गू लाख त्रिशरण वंषि जुल ।

प्रश्न-१५५ उरुवल काश्यप नदी काश्यप गया काश्यपपिसं न्हाप्पां भगवानयागु उपदेश न्यना बोध जुया छु छु ज्या तोतल ?

उत्तर— यज्ञ होम यायेगु व गङ्गाय् मोल्ह्या धर्म लाइ धयागु ज्या तोतल ।